

# საქართველოს სასჯელაღსრულებისა და პრობაციის მინისტრის

## ბრძანება №21

2017 წლის 22 მარტი

ქ. თბილისი

**„საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს დებულების დამტკიცების შესახებ“ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №142 ბრძანებაში ცვლილების შეტანის შესახებ**

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, ვბრძანებ:

### მუხლი 1

„საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს დებულების დამტკიცების შესახებ“ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №142 ბრძანებაში ([www.matsne.gov.ge](http://www.matsne.gov.ge), 20/10/2015, 100020020.22.038.016557) შევიდეს ცვლილება და ბრძანებით დამტკიცებული დებულების მე-9 მუხლის მე-5 პუნქტის:

1. „ა“ და „ბ“ ქვეპუნქტები ჩამოყალიბდეს შემდეგი რედაქციით:

„ა) სამინისტროს საერთაშორისო ურთიერთობებისა და ევროინტეგრაციის დეპარტამენტის საერთო კოორდინაციითა და მინისტრის ბრძანების შესაბამისად უზრუნველყოფს სხვა სახელმწიფოდან ძებნილის ან/და სასჯელის შემდგომი მოხდის მიზნით მსჯავრდებულის საქართველოში ეტაპირებას, აგრეთვე სხვა სახელმწიფოსთვის ძებნილის ან/და სასჯელის შემდგომი მოხდის მიზნით მსჯავრდებულის გადაცემას;

ბ) სამმართველოს უფროსის დავალებით, უზრუნველყოფს სამმართველოს წინაშე მდგარი ფუნქციების შესრულებას.“.

2. „გ“ ქვეპუნქტი ამოღებულ იქნეს.

### მუხლი 2

ამ ბრძანების ამოქმედებიდან 10 სამუშაო დღის ვადაში საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს საბადრაგო სამმართველოს ექსტრადიციის განყოფილებამ უზრუნველყოს ძებნილის ან/და სასჯელის შემდგომი მოხდის მიზნით მსჯავრდებულის გადაცემის თაობაზე განყოფილებაში არსებული მასალის საქართველოს სასჯელაღსრულებისა და პრობაციის სამინისტროს საერთაშორისო ურთიერთობებისა და ევროინტეგრაციის დეპარტამენტისთვის შესაბამისი მიღება-ჩაბარების აქტით გადაცემა.

### მუხლი 3

ეს ბრძანება ამოქმედდეს გამოქვეყნებისთანავე.

საქართველოს სასჯელაღსრულებისა  
და პრობაციის მინისტრი

კახა კახიშვილი

